



雲石集二

一

詩

共十

~ 16  
2351  
2





2351  
10-2

雲石遺稿卷之三目錄



詩

再從兄北海輓 五首

孝明世子輓詞 六首

述懷 二首

小春一日登老人亭 三首

奉贐鄭經山閣學以上价赴燕

送鄭上舍 基世 隨其大人經山赴燕之行

愁腸

辛卯十一月小望發忠州 胎峰奉審之行江



上口號

夕投新院

曉發

朝陰

宿陽智

過嶺

夕抵石院

驛馬

農牛

獐川

宿忠州憶表兄洪太湖元燮氏

奉審 胎室後聞犯人就獲

樵夫

店客

老木

枯草

過南漢城下

哭夫人墓

路中懷再從兄北海洪內兄癡叟兩公

東巖別墅與李希谷止淵海谷紀淵權彝齋敦



仁族姪羽堂 秉鉉 李石見 復鉉 趙芝園秀三

姜對山 潛 饑秋 三首

鏡湖主人李伯兼 屋 輓

尹參判 命烈 輓 三首

東巖饑秋伯氏石厓先生未之與用秋興八韻

分屬敬次以呈

公州通判閔侯 靖顯 奉太碩人就養而按使朴

令景韶 齊聞 太夫人貞敬夫人方在營衙輪

設壽宴以詩識喜甚盛舉也謹步其韻遙伸

賀忱

遙次詩山沈使君英叟 能淑 披香亭韻 二首

墨莊雨後陪伯氏與金淵泉先生李白澗遣暑

三首

送李希谷入燕

送姜對山入燕

送方野李侍郎赴燕

梅花 二首

黃翼成公玉貫晶纓

玉硯

書鎮



純宗大王輓詞 七首

送心菴趙承宣 斗淳 以副价赴燕 四首

簡寄副价燕行道中 并序 四首

申義齋在咸陽郡介坪卽玉溪盧先生舊基而

其後孫承宣 光斗 所重修也摺紳諸公多詠

其事余雖未登斯堂與承宣君夙有同省宦

契茲因軸韻以志託名之幸云

次李黃庭韻 二首

早春

簡寄回還正使彝齋權尙書景羲

更次回還副价玉河見寄之什盖用去年奉贐

舊韻而再疊也 四首

仍疊前韻 四首

奉次經山鄭僚 孝和殿望祭獻官齋居志感

韻 二首

倭躑躅

謹次健翁金侍郎 陽淳 周甲壽席詩韻

四月小望以 山陵獻官奉香祝詣齋室志感

五月六日 綏陵忌辰 上將行酌獻禮於

孝和殿賤臣以贊禮宿齋朝房拈韻恭志 二首



兩朝御製編次時內閣宣饌謹次諸僚文志感韻

黃山金尚書適根贈琴詩以謝之

閣楹特磬聯句同鄭經山趙心菴作

聚珍聯句同鄭經山趙心菴金松石學性作

送翠微申太史在植以上价赴燕

次翠微申太史韻

謹賀李希谷周甲晬席并序

史局餞春獲蒙 賜饌和申翠微太史金黃山

長寮韻

史局次申太史韻

墨莊雅集病未能與聞諸公分韻欲各成一律

而只得金淵泉南金陵公轍兩公詩云二一首

端午帖二一首

伯氏墨莊雅集分韻得於字

洗劍亭消夏

洗劍之行值對山滯直悵未作伴今見伊日寄

懷之作步韻

謹次伯氏韻

贈游觀金侍郎起卿興根以副价赴燕

廷祥帖三首



春帖 二首

太祖御真移摸告成將還安于永興 濬源殿大

宗伯經山鄭公寔陪往之賤臣亦忝敦匠班

送于東郊鄭公強要贖章遂書此因驛遞奉

寄

送洪戚承宣 鍾應 遊楓嶽 并序

四首

先人又有追寄太湖公行中絕句故並敬次其

韻

端午帖 二首

夏日吟病遇終南詩友拈王漁洋韻 十首

八月十二日陳疏作原峽省墓之行午憩朝雲

店中時任鏡湖 百淵 偕行共賦

度嶺嶺路絕險暝投三峰邨舍

渡龍津

月溪

新隱川賞月

神林午炊

清虛樓恭次 兩朝御製韻

酒泉夜宿

邀僊巖



寧越覽古 二一首

子規樓

落花巖

清冷浦

抱川途中風勢甚厲怕冷偶吟

醇溪李學士 正履 來訪誦傳其前作袁安臥雪

圖詩因言自家光景與前詩無異殆若識語

云戲作一絕以廣之

見差 太廟臘享獻官齋居寂寥黃庭芝園對

山三君來訪拈杜詩臘日韻共賦

冬夜拈唐詩韻







在公又泉臺此事涼

其四

曾附輜軒渡鴨津居然一十五經春可憐異日山陽  
淚還是池塘入夢人

其五

公謂哀懷遠別難我言樽酒更陪歡

此是前春南來時扇上驢章與

次韻不知竟作千秋訣猶自時時展箠看

孝明世子輓詞

恭知大有為天日 聖人姿敦德由明達澄心見緝  
熙啓賢王統在舜攝帝衣垂不盡蒼生恨神功遽止

斯

其二

世子篇于禮周王寔有光三朝躬視膳萬歲手稱觴  
詎忍龍墀遠空悲鶴馭忙 文孫知善繼衣尺漸看  
長

其三

祀事邦之重憧憧夙夜情攝猶嚴宿戒徹亦優餘誠  
陟降元非遠馨香是孔明復能陪盛服秋草繞西清  
其四

汎舟拯北塾捐帑濟南饑萬井忘魚噉三春有鴈歸



雨暘關一念星日驗重輝敢欲詢司命誠民亦未祈  
其五

風雨東陵道何年扈七旒朱城方繞日玄甲忽清  
秋地近情無極川長恨不流維天藏此久元吉叶  
珠邱

其六

春桂坊中事猶云舊講臣自從通禁籍况復視家人  
未死皆山海何生可露塵衷腸摧已盡無力駐  
靈輶

述懷 辛卯

吏部有何事盃前且莫關做官誰不老引病最為閒  
眼冷三千飯心空十二鬟君恩如可報無日得還山

其二

短髮今如許長春詎可持欲眠都是醉每飽亦非奇  
九轉仙猶幻三乘佛或疑定知攀不及惟聖聖之時  
小春一日登老人亭

年衰嬉戲尙兒童飲客吟人處處逢今夜雲箋邀北  
社一秋霜葉謝西峰幽譚正好窓間燭涼籟何多石  
上松從古會心非在遠莫將仙俗視千重

其二



人似高閒地似遙一宵猶可百憂消山空碧澗留餘  
響秋盡黃花剩幾條與客來遊應有暇况君多病不  
任朝莫愁好境藏真面且待他時月在霄

其三

巖雲和雨逕依微為是秋來客到稀白首可從方外  
去紅塵不向此間飛棲遲澗壑頻携杖般礴棋樽暫  
解衣尚記孱驢馱半醉祇應伴得曉星歸

奉贐鄭經山閣學以上价赴燕

衝雪新梅一兩枝離愁錯落未堪持忽然記得經山  
約臨渡江時定寄詩

送鄭上舍

基世

隨其大人經山赴燕之行

我送輪軒已惘然過庭君又四方緣燕程摠計無多  
地鴈塔新題最少年酒肆茶坊猶可入文人韻士况  
相傳從今欲與阿戎語試起衰慵劈短箋

愁腸

百轉愁腸病復侵西風日夜撼寒林騷騷有耳檐鈴  
細脉脉無心燭暈深何處更逢雷煥劒從今已破伯  
牙琴忽然覺得忘憂術祇在千盃抵倒斟

辛卯十一月小望發忠州 胎峰奉審之行江

上口號

時有胎  
峯之變



雲石遺稿 卷三  
吾生太苦道中緣涉水登山又雪天報道舟船無適  
用夜來津吏候冰堅

夕投新院

村稀多暝色候吏費招招真有玄冬苦原知赤縣凋  
潔月流平野寒烟接斷橋復念郵人事其如肅肅宵

曉發

王事關心敢自便排程計日且尋前鷄邊夢覺漫漫  
夜馬上閒忙鼎鼎年大地皆冰千澗定東方欲曙一  
星懸來時已與家僮約早晏辛勤護水仙

朝陰

游目郊原有底觀窮陰漠漠歲將殘山容釀雪微迴  
暖林氣蒸烟強抵寒宦跡百年隨處寄行人一日稱  
心難如何屢問停車地爲有官醪借暫歡

宿陽智

此邑諒如斗公廚更可憐吏凋惟有七俸薄不盈千  
送客皆南下居官罕右遷也能管清景寒月正當圓

過嶺

驅車臨峻坂冰滑復如何草凍牛羊少林荒虎豹多  
半生饒遠役雙耳慣勞歌度險仍平野安危卽忽俄

夕抵石院



雲石遺稿 卷三  
已涉荒荒野仍逢淡淡村酒旗宜白雪樵唱易黃昏  
好境忙邊度幽情寄處存浮生本如此合與可人言  
驛馬  
驛馬蕭蕭雪欲侵大車長道可能任人間執策多奴  
隸死後捐金異古今有志空懷千里步北風常激不  
平音榷楠已老珣琪混應使英材恨更深

農牛

農家效力莫過牛百指難爲四角儔雨後春畦泥似  
海火餘山隴石如矛車箱况復中田去耒耨何曾一  
日休揔是多年芻與豆畝渠能辦主人酬

澧川

琴臺物色極荒涼咽水凝雲古戰場幕府能弓當代  
選將軍善騎北邊良兵分勝敗元無定死作英靈尙  
有光道是明年回四甲龍蛇宿恨倍難忘

宿忠州憶表兄洪太湖

元變氏

會耽水石向丹邱此地經過三十秋綠酒紅亭誰作  
主太湖時是刺忠州

奉審 胎室後聞犯人就獲

封胎我家禮非有古文徵瓦塋隨時變尊彝與世增  
于今同 寢廟其制比 園陵彼犯雖云妄求生勢



莫能

樵夫

羣峰歛翠鋪輕霞樵客歸時日欲斜  
蹢躅獨行穿虎豹丁丁有響伴烏鴉  
長鎌三尺草多露短笛一翻山  
有花忽謾相逢漁者語巖居水泛竟誰誇

店客

東道慇懃似宿親門前日繫四方輪  
搬柴運水供新客較雨量晴送遠人  
敢使鄭莊齋有米難教郭泰掃  
無塵浮生摠入黃梁枕一夢蘧廬未覺真

老木

濩落春心斷崢嶸古貌增山空如有主  
石老可為朋獨立終難屈無才幸不崩  
縱乖支廈願猶足蔭邱陵

枯草

萬林皆寂寞嗟爾尚奚論莖葉秋先委  
根荄凍亦存鷹擎寧復礙牛齧但餘痕  
吾髮不如草蕭疎難更蕃

過南漢城下

形勝最三輔峨峨萬雉雄會稽竟誰罰  
尹鐸恨無功冰雪當年色風塵百載空  
包羞猶未洗江漢不能東  
哭夫人墓

歲暮空山裏蒼蒼日欲西上堂君有母  
入室我無妻



孤夢三生幻餘年萬事睽天寒回遠役誰復慰棲棲  
路中懷再從兄北海洪內兄癡叟兩公

海老三霜後癡翁九地中邇來無限淚強半為諸公  
親戚殘生在材猷一世空典型懷不見年暮又悲風

東巖別墅與李希谷止淵海谷紀淵權彝齋敦

仁族姪羽堂秉鉉李石見復鉉趙芝園秀三姜

對山滑餞秋壬辰

城東置屋貯琴書尚恨奔忙未定居一代朝陽羞鳳  
鳥百年秋水負鱸魚輕塵暫遠心如暇小雨初涼境  
有餘幸賴羣公同餞酒當樽不覺鬢毛疎

其二

山樓把燭燭光搖滿樹涼颼欲雨霄終歲耕耘謀鶴  
料自春疏鑿護魚苗詩情與客三更坐酒所須君百  
慮銷應道林慚兼澗愧紛紛珂馬又明朝

其三

雲澹烟輕遞有無山家秋色詠提壺碧峰度雨偏如  
洗紅葉臨霜獨不枯開口總能輕仕宦會心何必在  
江湖渚鴻已遠籬花晏可耐騷人意轉孤

鏡湖主人李伯兼屋輓

忽報伊人已道山當年結識各朱顏真能適意功名



外常自忘形醉夢間蓬海如今雙鯉斷鏡湖依舊白  
鷗閒仙庄尚有重遊債證筆留楣恨未還

尹參判 命烈輓

會荷 先王不世恩雲霄土壤劇相翻麻衣湔拂真  
如此難道劉蕢恨直言

其二

先人守靜簡逢迎賓席無多洽洽情獨謂吾公能自  
保不隨流俗競浮名

其三

耆德蕭條愴後塵朝端又少一完人蓬萊舊飲知何

日零露殘星夜已晨

東巖餞秋伯氏石厓先生未之與用秋興八韻  
分屬敬次以呈

戎垣自古隔雲林九陌塵清畫戟森每向南樓輸月  
色時從夜雪憶山陰年衰漫抱優閒計位重終懸報  
答心牢坐哦詩詩有境故園秋意入寒砧

右屬伯氏

甄盡孤寒絕墨斜銓門如水國之華文章價重連城  
璧品藻祥騰貫月槎人外有時携野服秋邊與客答  
晨笳鄉山入望歸無術 公有別業在東郊與鄙庄相距不遠 又送籬東



一度花

右屬希谷

蘭臺初步寂 恩輝經濟心長薄少微老去然疑鯤  
北徙古來怊悵鴈南飛清言落塵元無擇樂意吹篴  
永不違吾輩定非山澤士癯容底事摠嫌肥公與我俱有羸

病

右屬海谷

朝衣卸下漫拈棋湖峽秋深鶴唳悲邇列頻聯嘗藥  
地舊僚偏愧製荷時公於十年前北竄時余在館僚屢疏請寢故云風騷藝  
苑名誰擅經禮儒門澤未遲欲倩傍人嘲一肚此中  
無物復何思

右屬彝齋

君家別墅管湖山岸樹汀雲夢想間涉世誰過三折

病歸田猶隔一重關圭璋瑞彩登彝器桃李穠華恥

俗顏定識清朝推聞望俄躋卿列又經班

君方擢亞卿即拜

右屬羽堂

經筵

先生休道雪盈頭剩有豪情抗勁秋宦橐詩輕千戶  
富朋筵酒豁百年愁孫能快讀如神駿翁未安棲等  
泛鷗記取蒼茫投紱日贈行多賴李潭州

公於今夏南邑罷歸

右屬石見

日白澗李公方任潭陽委住治途云

如君安用讀書功猶是塵埃滾滾中城外幽燕多舊  
雨世間岐鵲有遺風搔頭鏡易千莖白拄腹倉難一  
粒紅莫道吾人差少齒百年強半亦稱翁



右屬芝園

詩蹊筆徑共逶迤唐晉尋真坦不陂室有瑤徽非舊  
調家傳墨派又新枝百年菽水心如結一種雲烟性  
豈移竅是送君迴鴈地滿江寒雨欲垂垂

右屬對山

公州通判閔侯

靖顯

奉太碩人就養而按使朴

令景韶

齊聞

太夫人貞敬夫人方在營衙輪設

壽宴以詩識喜甚盛舉也謹步其韻遙伸賀忱

癸巳

邑釀營庖不厭奢壽星均照兩官家板輿導節人中

瑞彩服分符錦上花及老同歡頌米肉有兒能養羨  
裙釵從知慈孝宜何福滿屋仙籌日月賒

遙次詩山沈使君英叟

能淑

披香亭韻

纔送南鴻鬢已催鏡花秋色入勳嵬

南歸四載所得止此

孤雲

客自朱闌去半月山從碧水開

孤雲曾作此邑記文亦盛稱之邑有舟山

曲如半月故云

文事他年菩薩閣詩名當世鳳凰臺浮生不

醉將何耐長進佳人竹葉盃

松江相公命妓曰將進酒之將字耐不得改以

長字蓋詩山故事亦入於記文中故云

其二

故人忽佩銅魚去山石榴花幾度開春夢東風千里



斷秋香南國一書來閒情翠扇翻金縷快境犀毫瀉  
玉盃悵望紅亭亭下路錦旌無分破蒼苔

未登尚為之悵恨今  
奉花墨不覺神逞

余於向年  
巡路薄暮

墨莊雨後陪伯氏與金淵泉先生李白澗遣暑  
雨積高梧綠泛樽山莊遣暑有前言流雲不定簾櫳  
色繁草難分澗壑痕長者懸車猶在駕羣公退沐亦  
敲門禽聲上下清颺足肯許寰塵一點存

其二

擬把幽懷瀉此樽頽然一醉已忘言仙人筆作名樓  
蹟丞相詩留古壁痕客自尋春如熟路吾將結夏等

禪門誰知咫尺城闈內佳水佳山似許存

其三

暫卸烏紗倒玉樽當樽不解大夫言四時幾許山中  
景一雨居然石上痕晚進端明還白首酣歌曼倩尙  
金門琴靈韻癖消無地獨賴阿兄此墅存

送李希谷入燕

遠遊曾化北溟魚多病如今掩戶居歷歷前塵殘夢  
在蕭蕭短髮壯心餘秋來送客周原隰日下求人漢  
石渠此地悲歌饒舊識為言垂老趙尙書

送姜對山入燕



快馬輕裝幾日還關河渺渺戶庭間此行知為燕人見我喜燕人見對山

送方野李侍郎赴燕 甲午

去年希谷路應遙方野今春酒更邀奉使誰將蒼水字贈行惟誦白雲謠麟經數十承無地

方野之先文正公著有尊懷篇一書以寓春秋之義故云三百毛詩選在朝兼得羣公同一席

星文自此定干霄

梅花

梅花將落可無詩詩到梅花未易為千古才人誰獨造一年春事取先持禪空道幻非佳喻玉煖冰寒摠

腐辭夜靜欲尋真境去不分斜月在何枝

其二

輕烟澹雪倍澄明丰韻仍從是處生縱似佳人不矜色故知貞士亦鍾情韶華暫蘊看逾寂薜澤微宣記未清脉脉相忘如有佇寒星數點到深更

黃翼成公玉貫晶纓

網中貫寶振影影色是丹砂品是瑤想得榮添高桶笠寵宣方屬賜環交

玉硯

應與南陽磬採同瓦當誰數漢諸宮臨池不作更張



字相府投簞束幾叢

書鎮

良材令德較同清抽得崑山碧一莖試向中書爲鎮  
尺端凝卅載靜無聲

純宗大王輓詞 乙未

旣以吾君祐我東齋之於壽理難窮恭知帝德天  
同大試較周齡日正中永世朱絃登駿惠昔年瑤牒  
贊鴻功菲卑盛節光三紀肯遣芬華累 聖衷

其二

閔曾亦見辟王尊天賦攸根百行源 陵廟嚴恭兼

夙夜 殿宮愉婉在晨昏禮成世獻揚 先烈校訖  
全書揭 聖言萬事悠悠那可及祇將家法付 神  
孫

其三

未知三古竟何如治已雍熙不自居雨露常行刑教  
外龍蛇亦化武功餘幾回漢帝方春詔一念周王乃  
逸書地緯天經奎藻煥萬年西序宛前儲

其四

水逝雲過可得留梧岑一慟卽千秋誠惟不息欽圭  
瓚化自無爲儼玉旒三闕再成民未病萬幾重莅



雲石遺稿 卷三  
聖猶憂古來多少於戲慕親見勲華復有疇

其五

一自分勞道益嵬國人齊頌丕承哉九經四勿宏謨  
在少海前星瑞運開孝子曾爲君子慶先庚翻作後  
庚哀近臣每惕悽然色豈料 真遊又遽催

其六

周家辰宁宋家簾新命前光聳萬瞻此日扶持由繼  
述幾年涵育暨飛潛乾坤有限功難極時月如期葬  
莫淹憶昨停鑿今引紼 五陵春樹淚長霑

其七

分外緣何到六官天監惟照寸心丹阿兄遭際承椒  
掖先父忱誠想玉欄縱得墜弓從死晚將期結草此  
生難哀歌一闋無窮淚應到泉臺拭始乾

送心菴趙承宣

斗淳

以副价赴燕

君行何似我行時無待君回已識之一自芸臺經有  
解漁梅不數大家詩

其二

紫薇院裏隔年思信息明朝會未遲定識羣僚齊握  
手此行贏得幾篇詩

其三

雲石遺稿

卷三

詩

五



雲石遺稿 卷三  
凌雲詞賦結交知楊監枚輪竟是誰幸不相逢蘇軾  
表會須兼得顧雲詩

其四

輕烟芳草不堪離費却臨樽幾度思萬里歸來春未  
盡桃花亦復待君詩

簡寄副价燕行道中 并序

趙元七 斗淳 閣學以冬至副价赴燕要余贖

章而未及應昨日以 純 翼兩廟御製考  
校繕寫事同僚諸公會於閣中適經山僚丈  
作書於副价僉曰書中必有可觀文字經山

遂詠二絕句曰云云諸公皆泛然稱佳而余  
則知此詩乃余年前贈經山所作也經山固  
多雅戲未知真以此詩為贖與別有他作而  
姑以此言戲我與經山事勿論真贖之如何  
可作翰墨佳話遂以此演成數絕以博旅館  
一粲兼申耿耿之懷云爾

一緘遙趁渡江時記得羲卿送善之那識斯翁多戲

劇贈君仍作自家詩 鄙贖經山絕句有臨渡江時定

贖副价詩全贖鄙作伴作已  
詩此翁真多事矣好甚捧腹

其二



閣座諸公有底思爲君西出路遲遲就中偏覺經山  
厚還渡江時定寄詩

經山又言書中約還渡江時寄詩云

其三

每說新知勝舊知今君縞紵屬之誰不論握手東城  
餞還渡江時定寄詩

其四

我住君行等別離一般風雪兩邊思輜軒况復饒新  
聞還渡江時合寄詩

申義齋在咸陽郡介坪卽玉溪盧先生舊基而

其後孫承宣

光斗

所重修也搢紳諸公多詠其

事余雖未登斯堂與承宣君夙有同省宦契茲

因軸韻以志託名之幸云

堂構琴書物色新名家喜屬再昌辰高山莫莫詹多  
士喬木蒼蒼閱幾春自是後承能繼祖亦由先訓在  
思親楣間有揭知何義三復鄒經孝悌申

次李黃庭韻

丙申

伊來朱墨不相離終事追先敢避之課日校書宸  
藻在按年編史 聖功知蒼梧實灑餘生淚黃鳥空  
懷未死悲茲役倘完須早退城東小築足園池

其二



吾人寡合復多離  
滾滾萍蓬任所之  
物色三春應共戀  
文章四海幾相知  
寒梅贈遠云誰賞  
芳草思歸自古悲  
近得黃庭消息到  
江南雪水綠盈池

早春

每耽閒夜五更棋  
因誤新年數首詩  
泉脉遙遙冰底澗  
花胎歷歷雨前枝  
天未就暄魚自在  
春將向曙鳥何爲  
兼旬一病消難盡  
又被塵緣苦欲持

簡寄回還正使彝齋權尙書景義

縞紵相逢又幾曹  
臨歸欵欵餞筵高  
日下冠蓋想當填門桃花  
洞問三重約華表  
城忘再涉勞遠勸餘興想有未了旅燭未殘

留倦夢官樽已熟  
迂征袍去時鴨館  
書猶在百讀今生  
紙上毛

更次回還副价玉  
河見寄之什盖用  
去年奉贐舊韻而  
再疊也

燕輶已報返程時  
從此三句可見之  
仍喜穩如家裏坐  
閒情更續去年詩

其二

關河不盡渺然思  
轉眼春風伴未遲  
將謂此行如此易  
十回寧靳送君詩

其三

雲石遺稿

卷三

詩

六



中州人士喜朋知日下雲間捨子誰料得名箋從此  
貴萬家爭掛抱愚詩

其四

花今漠漠草離離牽動遊人去國思况有歸裝誇示  
物牛腰一副紀行詩

仍疊前韻

墨緣多悔少年時題月評花摠謝之尚爲吾人勞遠  
役伊來黽勉贈行詩

其二

白雲朱瑟藹追思 先製尊嚴印役遲時向仙寮談

故事却慚東省校餘詩

正宗御製奉印時有諸  
公唱酬號曰東省校餘集

其三

彝齋奉使未應知忽謾相逢問是誰鴻去燕來俱不  
恨旅燈猶耐一宵詩

其四

郵筒三疊太支離道是天涯慰所思從古風人多厚  
意爰咨式遄載於詩

奉次經山鄭僚 孝和殿望祭獻官齋居志感  
韻

周廟追王頌貊其聖人於禮禮之時駿奔有地神無



數燕及惟天理不疑籩豆已應隆品式圭璋元自肅  
容儀定知此日垂垂淚拭處仍添兩鬢絲

其二

鶴馭迢迢閱幾春每逢斯月愴如新玄雲陟降齊明  
夜白首悲歡講肆臣叶漢重歌嗟莫及比周三歎見  
猶親伊今追報同君我直恐無時乞此身

倭躑躅

日域移嘉植臨開錦擁樓絕無紅雨落常有紫烟浮  
色擅探春譜香從涉海舟若論名與品應是杜鵑流

謹次健翁金侍郎

陽淳

周甲壽席詩韻

周甲於人亦偶然竄公顏頰尚華鮮辰符我佛檀緣  
重公醉在佛日庚合吾兄石契堅宦迹常遊軒冕外世情  
仍寄醉吟邊牀徽不老庭芽茁未信清都別有仙

四月小望以 山陵獻官奉香祝詣齋室志感

有淚難分夢與真纔瞻象設已盈巾那能沒世諼君  
子宛復前年葬 聖人芬苾恭將黃目灌松杉悅侍  
翠華巡餘生忍奉編書役却愧三良作殉臣

五月六日 綏陵忌辰 上將行酌獻禮於

孝和殿賤臣以贊禮宿齋朝房拈韻恭志

誰道 真遊竟莫攀齊衣對越不違顏謳歌宛想環



滄海 宗祏方瞻鞏泰山 緜月梧雲昭在上 堯勤舜  
攝倏焉間含桃已爛 昌菹熟又值靈辰七度還

其二

主殿朝 真悅再攀百生能記 聖人顏判知報答  
無塵露謾說恩私等海山 分日天球弘壁下一春金  
馬石渠間此身正愧園中鶴 猶向滄洲夢去還

兩朝御製編次時內閣宣饌謹次諸僚丈志感韻  
手攀雲漢近夢繞玉欄涼 奎壁長垂象勛華繼有光  
纘先尊 聖製抽秘襲天香 舊韻承新渥委蛇且莫  
忙

黃山金尚書

道根

贈琴詩以謝之

故人貽我一張琴 言是龍門石上音 流水浮雲元有  
境 落花啼鳥共無心 誰知象外天機發 多向絃中古  
調尋 此意慇懃如可悟 肯教塵累更相侵

閣楹特磬聯句同鄭經山趙心菴作

豫錫斲泗浮碧潯 堆瓊粉

雲石

編特發幽沈 擊拊疏繁

恣

山經

弁鷁銅協銑 倨矩匏分脞

心菴

夷則象衆物 孚尹

絕纖

雲

產適湘涇和蓄比雷雲 暉

經

簾趺鐫應後

追紐嚙豈

心

句作肇破璞 襄入竟懷瑾

雲

聞衛果

堪歎告夏憂似憤

經

姿貞肱太素 韻正符中韻

心於



予庭奏綴依我廟侑醞雲畫彝表郤鉉踰鑿節周韞

經制方器彌重趨折容為謹心馨寒悶響缺生庸恐

制云和鐸難舌爭交笙可頸經昔論儷塵礫今

碧濯落蒞心杼騰惟內蓄奠縣即外扮雲寶登頓宮

沼祥繞秘省穩經夔典證海柜堯章荆域權心調五

恩曾荷過八淚方技雲賁象補繪飾煩慮警絆麋經

廉肉會蟠際枚股昭揉隲心疇言石有鞞吾看玉不

韞雲思叟林風冷氣潤山雷礮經箕綴蠲滯濼壁府

增嶙嶸心彼美詩有思無是賦敢听雲宛列健郡滢

孰辨華岡墳經瑟兮道自治觚哉豈求顛心殊錫當

包杞追頌等臙堇雲梧埤彩鳳羽松壇玄鶴吻經咸

謫世寢邈鞞鼓澤猶近心校餘尋閣故吟次展僚蘊

雲球壁寶同序鏞黻才靡隱經那贊聲明化補袞若

絺縠心

聚珍聯句同鄭經山趙心菴金松石學性作

聚珍如羅珍猩鷓芍橙欖雲汲古英華摘區部彙典

學山經匡郭汲精滋鼓鞞辟媿莢心鑪磋光的的咀啜

味醴醴石松始範應糾譌將搨必刷黠雲唱辨勾鈴黃

托句化漆黠經鳥移階留跡驪呈珠在領心蝌古錯

奇文籀鬱搜閱覽松銑鋼氣騰白梨棗災道駸雲龜



鑄美應并鳳繡巧何敢經 經緯集斗參鉞鉢遍淦浦

心井井綜烏欄縷縷織毼毯松 碧簡功難邁黃卷澤

普髭雲 三豕疵闢榛一鷗癖嗜歎經 河洛歸鉤摘魚

蠹畏噉嘽心 將以浚心靈非徒鏡肝膽松 排整千窠

蜜鋪均百房茗雲 蕩炙編寫勘墳鏤登布寔經 壽永

軼光嶽調新凌膈糝心 體潤能潑墨姿剛似攻礮松

祿燃校未暨馮板鉞豈替雲 生活印工環整理楷體

倏經 喻壁氣常達非鼎光不捨心 遂令健牛汗寧憂

獷彫唵松 銘彝安用勒隳嵯可無鑿雲 所萃派分族

為寶人同俺經 雕篆甘騷辭典章稽委統心 星象應

奎璧玉檢鑄石臧松 池鳳蹲仍掌觀虎噤不闕雲 碎

過琲璣迸筵飛煙雲愴經 幸託雲漢光得寓星霜感

心 誠極如靡及才薄寧自歛松 宸慕弓抱鼎廚頒

簋筮坎雲 靜緡如潛齋對檢若耦噲經 填蠟泥嫌漚

拓煤瀋戒澈心 籤分甲丙插帕列赭綠措松 心麤勘

齋憎手熟印釋愔雲 希音文瑟練弘寶禹圭駢經

聖謨日常顯闔澤谷不澹心 臣曹職天章千代護芸

菴松

送翠微申太史在植 以上价赴燕

心視相傳已荷情况今惆悵贈君行烟邊遠樹濛濛



雲石遺稿 卷三  
色水底長河漉漉聲縞紵重勞吳季子苔岑舊證魯  
諸生聯翩幕府多名士應使殊方有耳驚

次翠微申太史韻 丁酉

趁此清和會境幽滿林蔥蒨護名樓青山日靜棋如  
隱黃鳥春殘酒亦愁久向寰中縻野性暫從人外寓  
天遊閒雲好月藏無盡花事何須悵去留

謹賀李希谷周甲晬席 并序

歲丁酉季春之五日卽大司農希谷李公周  
甲晬辰也公於去年因吾伯氏石厓公甲日  
有壽詩一律今吾伯氏仍步其韻酬之以公

與吾伯氏德業之隆福履之厚乃有此壽考  
頌禱之一贈一答甚盛舉也雖然昔有觀者  
英圖者以君子盡老爲之歎後之觀此詩者  
又烏能無此歎也且公之仲氏白澗知州之  
生在己亥叔氏海谷尙書之生在癸卯而寅  
永於公亦肩隨也則凡係生平交遊之年可  
推也今固有已過甲者有未及甲者而行將  
次第老矣其老也誠可歎其壽也又可幸茲  
忘拙陋敢以是韻續貂庸寓賀慶之悰云  
今年公已降年逢吾亦應非少日容共道流光隨攬



雲石遺稿 卷三  
鏡定無閒想到銘鍾一鄉扶杖推先輩三壽連枝企  
後蹤春酒欲闌前致語世間元有不凋松

史局餞春獲蒙 賜饌和申翠微太史金黃山  
長寮韻

石室編摩共幾人如今又送一番春高穹莫畫慙形  
筆恩露均霑頌 紫宸五夜燃藜工課晏三年汗竹  
鬢毛新愀然欲說欄花夢長繞荆湖寂寞濱

史局次申太史韻

共抱蘭臺筆依遲度幾年禁詩差可矣得酒便欣然  
珂馬歸身外鶯花閱眼前河豚羹已熟頗幸友僚圓

墨莊雅集病未能與聞諸公分韻欲各成一律

而只得金淵泉南金陵 公轍 兩公詩云

羣公秩秩寂年高韻事山罇做燕毛曾逼三階仍勇  
退旋開九袞又神勞簪纓世界雲間鶴鍾鼎門屏海  
上桃多愧綸扉王禹玉歐陽在座敢操毫

其二

西京盛事撫年華文富儀容可復加元老 三朝休  
烏芾名亭四月訪烟霞都人尙戀公無遽家伯方誇  
我有嘉此日薪憂違撰屢門前桃李愧稱花

端午帖



雲石遺稿 卷三  
赫赫端陽節天衢緩日車兩儀交鳳律中數建龜書  
細葛唐宮裏含桃漢寢餘羣生均長養叶氣自宸  
居

其二

天德天中屆嘉祥驗自天於千長樂節則百洽陽年  
甸麥南風泛宮榴午景圓願將揚子鑄臨照緝熙筵  
伯氏墨莊雅集分韻得於字  
谷中車蓋九尚書恰是清朝洗沐餘我屋南山何所  
有朋罇北海且相於朱炎不到林容邃碧雨纔過澗  
韻疎共指他宵明月好墨緣如契未應虛

洗劍亭消夏

霽色千峰出秋聲一笛橫流丹連曲檻濃翠接層城  
心與塵埃遠眸因水石明老夫惟取飲詩事付諸生  
洗劍之行值對山滯直悵未作伴今見伊日寄  
懷之作步韻

暫卸紅塵到碧山山中一日有餘閒逢秋着眼軒裳  
外向老投身子姪間敲杖偶隨流水去倒樽仍帶夕  
陽還那知汗漫無心處剛被詩人韻語關

謹次伯氏韻

秋事深如許黃花到幾分起樓延好月臥戟對浮雲



雲石遺稿 卷三  
棋勢閒中見鍾聲度外聞退公吾已醉此席愧離羣

贈游觀金侍郎起卿典根以副价赴燕

與君同閑又同僚郊餞翻違此度遼近日蘭臺猶自  
慰白眉青眼話征軺

延祥帖 戊戌

淑氣東郊至三元值吉辰歲功祈大有 慈壽賀中  
身綵勝諸祥集椒華庶品新 君王知稼穡春德布  
如綸

其二

陰崖草木向華滋吉日仍行飾慶儀三十六宮春又

至岡陵齊頌九如詩

其三

梅花開遍雪痕消萬戶歡聲匝管簫一氣無私潛煽  
化春臺羣物自忘堯

春帖

青陽敷盛德一念對無違蘋澗流和氣萱墀駐瑞暉  
星瞻回幹柄天示發生機共識端臨象祥雲捧袞衣

其二

邦典偏今歲天休屬是春 東朝初飾慶 北殿更  
摸真多福騰周祝羣生導漢綸日長稀閣漏頻對執



經臣

太祖御真移摸告成將還安于永興 濬源殿大  
宗伯經山鄭公寔陪往之賤臣亦忝敦匠班送  
于東郊鄭公強要驢章遂書此因驛遞奉寄

東郊春草嫩於絲牽動行人遠別思 玉殿翠華陪  
奉地館花原柳去來時風雲沛廟增佳氣天日堯宮  
識 聖姿閱歲敦工攀莫及羨公專掌妥 真儀

送洪戚承宣

鍾應

遊楓嶽

并序

昔在 先朝壬戌表兄太湖洪公將入楓嶽  
吾先人以四絕句贈其行今太湖之孫承宣

又作此遊告別於余余話先人故事謹次其  
韻送之時戊戌之首夏也

衰病聞君辦壯遊茲山往蹟我思悠要看悵怛真如  
體須識毗盧最上頭

其二

山上閒雲海上漚向來鞵襪更無由如何竟作紅塵  
客佛契仙緣四十秋

余亦曾遊此山今  
已三十五年矣

其三

看山且莫問緇流境在然疑語或浮鮮葉濃花那復  
揀四時同趣碧峰稠



其四

蓬萊閣下簿書休叢綠圍罇倦更愁欲把新詩譚故

事阮家還有步兵不土協方省其季父梨垞侍郎於關東巡察營轉向楓岳故末篇

及之而梨垞實從太湖公之行余猶能記之

先人又有追寄太湖公行中絕句故並敬次其

韻

天氣熏人欲麥秋杜鵑花盡水爭流寧愁一路芳菲

晏不向淮州定越州土協言日氣漸暖不能入楓岳則將遊寧越云

端午帖

艾人蒲虎貼彤闈新御輕羅綵繡衣催進宮機長命

縷天中遙繫兩萱暉

其二

內苑秧針碧似藍會時時雨味中甘薰琴一曲知風

自近日 君王講二南

夏日吟病遇終南詩友拈王漁洋韻

車笠何論戴與乘閒情只愛並無能耽書子是悲秋

士淹病吾如結夏僧晝靜疎簾宜把酒夜涼高閣可

張燈年來白首豪遊倦珠彈金羈悵五陵

其二

卿月清朝愧負乘涓埃屈指有何能求僊計切猶沉



雲石遺稿 卷三  
俗成佛緣疎欲退僧  
午日酣眠迷蟻穴  
丁年苦癖笑螢燈  
槐陰滿地桃花盡  
悔不隨春覓武陵

其三

春生夏長氣相乘  
四序平分各一能  
白日看棋非下士  
紅塵隱几亦高僧  
炎威不去無停筴  
暝色方來有繼燈  
只可開懷河朔飲  
名醪何處是蘭陵

其四

楊江歸櫂與誰乘  
隨意烟波恨未能  
今日方邀青眼客  
阿兄又訪白雲僧  
祇應穿盡登山襪  
且可燒殘話夜燈  
已判功名皆外假  
一竿猶不學嚴陵

其五

榴花槐葉氣同乘  
萬物芸芸造化能  
櫪上鳴騏雄似俠  
林間睡鶴靜於僧  
茂先有眼看雙劍  
閱道何心對一燈  
聞說昕庭方飾慶  
詞臣端合頌岡陵

其六

閒情不必係懸車  
移病仍隨意所如  
棋客難醒千日釀  
詩朋勝讀十年書  
樓臺舞燕慵初起  
榆柳鳴禽鬧未除  
忽看終南山色近  
白雲多處可封廬

其七

紫陌紅塵日鬪車  
文園誰復問相如  
葵心一寸端陽



帖薇露千番 內賜書舊約水蟾他夜至新愁旱魃  
幾時除春菲已老空流悵十里東湖有樊廬

其八

宿計差遲下澤車功名只得白紛如晨鍾夜漏皆形  
役北繡南符亦簡書常愧金貂誇市井幾憐花竹老  
庭除淵明處士歸何晚應是柴桑未結廬

其九

轉眄流光走阪車多生契活且如如始知堅白留疑  
案誰道還丹作信書夢裏烟霞心更記樽前江海氣  
難除端居正喜孤松在長夏濃陰碧滿廬

其十

羨他漁艇與秧車分外何營任自如竟日衣冠愁見  
客通宵翰墨惱裁書江山有助詩能就苓朮無功病  
豈除物我閒忙皆定理誰將天地視蘧廬

八月十二日陳疏作原峽省墓之行午憩朝雲

店中時任鏡湖百淵偕行共賦

垂老常乾沒寰中逸事稀可能堪貨柄已復忝綸扉  
丹竈羞攀誥黃墟悵典衣此行非永計猶似角巾歸  
度嶺嶺路絕險暝投三峰邨舍

穿細仍攀峻人煙覺漸稀一條惟草徑百轉是荆扉



山日無停策林颺有挾衣邨深知俗厚應使客如歸

渡龍津

昨宿三峰下朝過二水頭羈窓涼月入野艇濕雲流  
道路行行倦江山處處幽邨沽堪取醉良節近中秋

月溪

懸崖通一線西尾接東頭鴻鴈愁長道魚龍耐穩流  
江邊何地好林下幾人幽臨渚空怱悵菰蘆又一秋

新隱川賞月

客中新月色酒後古橋頭莫莫山如夢紛紛水自流  
蟹燈分港遠牛蓬隔林幽衣露沾何惜偏驚萬葉秋

神林午炊

鞵襪真隨意居然到嶺西四峰迴白日千木貫蒼溪  
向夕山烟淨先秋野露淒無人前路問時有一禽啼

清虛樓恭次 兩朝御製韻

齊諧且置酒名泉邑去樓存景自全山發泰岐青未  
已水歸冷浦碧相連那堪寂寞靈光下尙復徘徊翠  
石前烟捲汀洲秋色遠蓼花無數白鷗眠

酒泉夜宿

峽江僅三尺峽山多百尋縱違平曠勢頗愜寂寥心  
廢縣人民少空樓歲月深卸鞍仍撰杖月出有登臨



邀僊巖

林雲開石徑溪籟答山歌鑿豈天工及磨應水力多  
岸紅秋競入沙白雨新過絕勝雖如此其於僻遠何

寧越覽古

西風吹遠客秋滿粵中山古木雲猶冷空江月自閒  
禪文堯舜際諱史定哀間未忍詳遺躅禪燈獨掩關

其二

竹色湘君水禽聲望帝山如何催日馭不復返天閑  
地是滄桑後民猶雨露間年年黃葉路時物又相關

子規樓

杜宇何時歇月明花滿山叫應終夜苦聽復幾人閒  
舊恨三巴外新愁百粵間此樓 王跡在寶榻晝常

關

落花巖

落花花泛泛香塚吊何山淚為龍髯盡魂因蝶夢閒  
一春風雨後五夜月星間莫向東君怨榮枯有數關

清泠浦

一曲清泠水千秋慘愴山神雲何杳杳江鳥自閒閒  
臣節風霜後天心澤火間獨聞嚴戶長終事有攸關

抱川道中風勢甚厲怕冷偶吟



雲石遺稿 卷三  
凄風拍拍襲春裘滿椀名醪冷不收空翠乍分芳草  
岸暗黃才動嫩楊洲孤烟野店無嘶馬零雨山田有  
叱牛如此良辰花事杳倦程何以慰閒愁

醇溪李學士

正履

來訪誦傳其前作袁安臥雪

圖詩因言自家光景與前詩無異殆若讖語云  
戲作一絕以廣之

牛衣透冷不成眠三尺瑠花斷竈烟可有何人如洛  
令朝來擁篲到門前

見差 太廟臘享獻官齋居寂寥黃庭芝園對

山三君來訪拈杜詩臘日韻共賦

春光莫道一旬遙尚得餘冬未盡消竹葉排寒仍舊  
釀梅花向暖又新條欣君杖屨酬殘夜愧我圭璋對  
列朝待到會心詩境發二更斜月在層霄

冬夜拈唐詩韻

窮陰莫道秘玄關舉手寅杓若可攀梅蘊禪機香自  
定鶴縻塵網夢猶閒殘年繞壁周中澤獨夜操琴漢  
小山多愧菲才無寸補雙眉空鎖百憂間



雲石遺稿 卷之三

雲石遺稿卷之三

雲石遺稿卷之四目錄

詩

元日用杜韻

看書有感 二首

懷人 二首

憶鹿墅 三首

和陶詩飲酒

奉寄醇溪李學士深夫赴燕之行

閱白傅詩有感 并序

余舉南君 柱天 爲學官兒輩詩以賀之余亦戲

雲石遺稿 卷四 目錄



次

奉贈經山尚書北闌出補之行

東伯李方野周甲詩

錦山禪太演為請靈圭大師殉義碑銘來留都門以詩相促走次其韻

太母撤簾行朝參後謹次淵泉丈人下示韻

二月十三日為參賀班少坐騎省省有申紫霞緯所書王右丞櫻桃詩屏因步其韻以識慶

祝之忱

以崇陵修改事出東郊待宗伯徐台惠淳度

支族姪秉鉉不至謾成一律

太廟夏享親臨省牲陪駕恭賦

茅亭新成詩客適至拈樊榭韻

木蓮

盆竹

對山餉魚戲用前韻窺字求和

以兩叉木編竹結茅於西臺上蓋為一時逃暑計而傍人皆笑其陋詩以解之

永峽省墓之日錦華承宣雲澈適以覲行在萬

橋委來相訪因惠二律謹次其韻



雲石遺稿 卷四

過蹄灘靜脩李相公 秉模 舊宅志感

寄題漳南村上舍聖必 慶善 帶經齋

沈英叟輓

寄黃庭

伯氏楓嶽之行追作別詩送呈行中 四首

寄兒秉夔楓嶽之行

晴月涼颼病枕無寐戲作一語倩迷兒轉致同

行諸君勿以老拙作笑囧也

次春川倅李公執 曠韻

舟泊昭陽亭下感舊

風窩成令公 海運 八耄恩資詩

墨莊避暑

次醇溪太守原韻卽以奉寄

病臥墨莊伯氏約淵泉經山彝齋諸公來會以

山水有清音分韻得有字

孝顯王后輓詞 五首

南莊寓居敬次伯氏下示韻

趙芝園示看花詩有春衣吾亦看花人之句戲

用其言 二首

追題求禮燕谷倉樓 并序

雲石遺稿

卷四

目錄

三一



聞黃庭已沒有感

寄芝園上舍公倦菴寓居

東池主人摘送蓮實

紅葉

贈族孫三行人鳳夏

豐川倅金令周默寄書與詩伴以糖醪戲次其

韻

伯氏石厓公入耆社後蒙 賜几杖內醞法樂

用席上韻恭識三首

久陰有月

乙巳生朝趙芝園以詩見惠謾次

養病

淵泉金奉朝賀輓三首

戲次姜對山軸中韻三首

聞鄭經山相國新構花樹樓仍用前韻

再疏乞休未蒙 恩許擬陶歸田園居五首

謝鄭經山相公汲惠花樹樓下石泉并序 七首

抱阡洞門有池新濬魚苗頗蕃投釣不獲謾題

自笑

永阡拈杜韻四首



雲石遺稿 卷四

路中謹次伯氏下示兒子秉夔榮墳詩韻 五首

昭陽亭感舊

峽行

炎涼

曉渡蟾津

路中卽事

過龍門山志感

謁幸州紀功祠

路中驟雨

次崧陽留相金婿學性軸中韻

善竹橋

彩霞洞

滿月臺

花谷書院敬次先君子舊韻

朴淵

天磨看楓仍用前韻

天磨記遊

天磨山中聞任友景文 翼常 李友聖七 審集前

數日過去

靈通寺

雲石遺稿

卷四

目錄

五一



過李郎寅禹墓

高陽途中

重陽臥病

謁外祖墓

題梨垞洪吏部公獻墓

季秋中旬同權彞齋金柱下

道喜

朴方壺

晦壽

三相公集經山鄭公之花樹樓送主人閣下

就養于成川府衙

新製小冠甚便戲題一詩

有人惠水晶七枚各長三四寸以盆養之

翼宗大王遷陵輓詞八首

柳判尹和源輓

人有惠二鷹者洪君

義福

欲作鄉庄游獵資舉

而贈之戲賦其事

傳硯詩贈族姪羽堂新太史

洪君將自丹邱移住酒泉告別而行戲書二絕

贈之非以詩也二首

送從子秉駿居留松京

宿安保

席破嶺



秋峽

春峽行中 三首

國名詩

人名詩

戲用二十八宿體

嘆衰用十干藏頭體

自笑用十二支藏頭體

又用八卦體

病中初雪戲用建除體

巢父牛

張翰鱸

平仲驢

淵明鷗

簫韶鳳

華山馬

南華鵬

憲宗大王輓詞 九首

用文苑故事贈心菴趙太史







其二

邇來汗漫倦披翻覺得卮言卽寓言左史三墳何處  
覓劉歆七畧幾編存尋行數墨非高士携酒看梅有  
上元年到已衰纔有悟衛生方是祛諸煩

懷人

衰頽論友與誰羣苔異岑同可更分上士多歸三乘  
教中原盡化八旗軍鸞鳳世遠空丹穴薜荔春深自  
白雲我想伊人頻引領芝歌一曲未堪聞

其二

十載遲迴鷓鴣羣磯魚汀鳥已相分排愁暫幸除秦

法攻疾終難撼岳軍人外青山悲舊雨春來白首悵  
停雲何須憶遠希非望隣巷聲光且日聞

憶鹿墅

李希谷  
別業

十里名園萃者岑百年喬木翳然林身衰縱抱休官  
計恩重寧忘戀關心圃有黃花非跡遠堂如綠野亦  
憂深行藏準擬陪公後水涘山顛倘共尋

其二

吾亦城東買碧岑梅將結實柳成林禽魚有約空懸  
夢鍾鼎無功枉負心浮世已知如水淡明時不願入  
山深祇應釋重投閒日辦一輕輿意到尋



其三

郊居只合背崇岑左右幽篁並秀林內典一函閒者  
事無絃三尺古人心月因野外分多少雲與寰中較  
淺深堪笑此翁拋此境民憂如病日相尋

和陶詩飲酒

達士全其天可道非常道此言頗珍重吾聞騎牛老  
白日如跳丸敷腴倏枯槁攝生無異術要在從所好  
浮名與浮利何者為真寶獨有劉伯倫沈冥寄塵表  
奉寄醇溪李學士深夫赴燕之行

半生關戶誦奇文倦向燕臺已白紛海內題襟應產

札江東結髮最機雲

君與季氏奉事君偕行

堠烟驛火行靡及

積雪河水境莫分偏愧遼人邊吏戒端明姓字有誰

聞

適余叨忝中書故云

閱白傅詩有感

并序

冬夜偶閱白傅五十八所作詩盛說閒寂恬  
淡之趣末以相印焦心為譏余年偶與之同  
而猥忝揆地百憂所集一念靡遑感頽齡之  
相符悵遐標之莫追遂乃效體步韻率爾成  
章聊以自解而已非敢有雌黃於昔賢云  
至人齊欣戚下士拘通闊緣情不泥跡然後方號達



朱紱卽緇中華鬢亦青髮如何白少傅切切五十八  
藉使身未健無足念漸憊藉使家未豐無足念匱竭  
我今讀公詩年均多觸發羨公官事逸慕公心地濶  
然於貴賤際不免流俗節誰無竹裏風誰無松間月  
難將此一段便作袞與鉞隨境非人定篤見是天殺  
且引一斗酒不知相門熱何愁問我憂樂與民共活

余舉南君

柱天

爲學官兒輩詩以賀之余亦戲

次庚子

多生寵辱劇相交五十緇巾又綠袍風入焦桐餘舊  
響雨過顛木有新梢

南君家禍後七十年始得官

涓騏繫市曾須

價社燕歸樑久識巢莫向山妻誇斗食秋來饁事麥  
盈郊

### 奉贈經山尙書北闈出補之行

北方兒女繡春絲記得鰲山去後思白首停車仍故  
道蒼生引領亦多時風波已料歸田計饑饉終須濟  
物姿恩補猶能朝 玉殿陪真悅憶往年儀

鰲山會寧舊號

經山曾宰是府有惠政近遭人言多住鄉廬有北闈  
出補之命用前 濬源殿影幘陪往時韻以慰遠別  
亦經山志也

### 東伯李方野周甲詩

黯然葱竹記南樓

余始託交南小營水閣

庚降如今已一周

是公



庚子 生 思我凋朱蹲鳳歎知君垂白集鴻憂官樽獻頌

皆羣吏旅館開心罕舊遊見說行春仙有契武陵溪

上定添籌 聞公行部歷覽  
三陟武陵溪云

錦山禪太演為請靈圭大師殉義碑銘來留都

門以詩相促走次其韻

山人何事苦相尋慧業文緣愧我今投錫如飛惟佛

面操毫未下亦婆心烟塵浩劫沙場冷香火諸天影

閣深欲把空花摸實相錦波猶帶不平音

太母撤簾行朝參後謹次淵泉丈人下示韻 辛丑

慈天有命正辰居又是青陽獻歲除光撤寶簾初返

政永摹彤管不勝書靈春駐景供千乘瑞日昇輝遍

六虛措大寶慙承弼事朝朝珩芾却躡躅

二月十三日為參賀班少坐騎省省有申紫霞

緯 所書王右丞櫻桃詩屏因步其韻以識慶祝

之忱

慈珩赤芾集千官羽衛繽紛擁陛欄 法殿和飈雲

正暖禁林微雨雪初殘歡聲共舉庭中笏瑞色平臨

掌上盤恭識吾 王推此慶德音先已遍孤寒

以 崇陵修改事出東郊待宗伯徐台 憲淳度

支族姪 秉鉉 不至謾成一律



雲石遺稿 卷四  
北闕將新命 東陵審舊封  
禽聲微雨歇 樹色遠烟濃  
禮已欽宗伯 工惟仰大農  
病夫無事事 遲日幸相從

太廟夏享 親臨省牲陪駕恭賦

共說 冲王篤孝思 今年彌著奉先儀  
三陵戒駕 伸春謁 七廟臨牲  
飭夏祠日靜 圭璋多士在風輕  
管籥庶民知 流雲已捲飛塵淨  
御路前驅有雨師

茅亭新成詩客適至拈樊榭韻

四圍均占一弓餘 中有蕭閒愜起居  
倦躡園梯如峻坂 謾疏簷溜當清渠  
平津老去羞開閣 徵士歸來羨

結廬寄語東江江上伴 此樓非忘舊時漁

木蓮

曾言水種忽林棲 一段風光兩品題  
好向羣芳生陸地 肯將孤潔處  
汙泥香緣乍淡春 常殿瓊質偏明夜  
不迷雨露十年培 得厚已從階下與墻齊

盆竹

林廬謾被外人窺 貽我猗猗菜數枝  
得此清高爲上客 從今老朽有新知  
影隨碧砌籠烟處 韻入緗簾鎖雨時  
竟日相看看不厭 故山叢桂可堪思

對山餉魚戲用前韻窺字求和



蒲葉蘆芽鷺不窺  
舉簪應趁落潮期  
下鹽莫道調羹易  
中酒翻嫌斫臄遲  
誰以割烹欺子產  
儂於嗜欲愧公儀  
要裁尺素還延佇  
持向何方慰所思

以兩又木編竹結茅於西臺上蓋爲一時逃暑計而傍人皆笑其陋詩以解之

結茅編竹倏成樓  
軒豁天光與日謀  
雲作藩籬朱暑退  
山當几案碧嵐收  
東南眺遠元無障  
風雨登高亦不愁  
難道斯翁經濟拙  
試看新構息勞不

永峽省墓之日錦華承宣雲漱適以覲行在萬橋委來相訪因惠二律謹次其韻

屣迎反勝洛陽城  
不妨村醪盡意傾  
但道畦塍多滯穗  
尙看籬落有殘英  
君爲舊雨來時好  
我似閒雲分外清  
愴望先楸恩露洽  
剝塵何以答餘生

其二

蕭條一病怯秋陰  
到此無緣八景尋  
玉壁禾淵雲更遠  
白洲青洞草應深  
朝廷賜暇何能易  
鄉里論交亦匪今  
慚愧名山兼好友  
只堪惆悵費孤吟

過蹄灘靜脩李相公秉模舊宅志感壬寅

相公留客餉鷄黍  
記得荒郊寂寞棲  
一代聲光攀赤舄  
千秋揚扝照丹藜  
弱冠謬當名賢獎  
衰髮還慚爵



雲石遺稿 卷四  
位齊今日山陽無處問滿汀春草雨淒淒

寄題漳南朴上舍聖必慶善帶經齋

帶經洞裏帶經齋有帶經人事事佳耕野倘能希五柳訓家非必願三槐秋燈照案縹緗閱春雨盈犁撥槇偕此語辛勤偏我感軒裳猶欠丐殘骸

沈英叟輓

故人日以減春草自空山窮達拋身外文章落世間白驪今又去黃鶴幾時還歷歷同庚飲停盃淚莫攀

寄黃庭

苦憶黃庭李斗臣沔陽南去又經春古來不乏能言

士天下終難可飲人湖海路長音信濶廟堂官重鬢

毛新煩君莫管癡兒事養有公厨膳有珍黃庭書中滿說邑樊

故末句嘲之

伯氏楓嶽之行追作別詩送呈行中

浮雲無定體來去一蘧廬月色春同靜天機夜更疎豈須千日釀猶勝十年書及健休官約衰哉計已虛

其二

邈若松喬事雲霄不可攀心惟垂老壯身又釋兵閒久矣塵埃裏居然水石間秋光何處好東去有楓山

其三



我愧池頭鳳公隨海上鷗 君王初賜暇賓從舊陪  
遊古寺千峰月名樓萬葉秋涼風吹未已猶有遠途  
憂

其四

茲境前緣在蒼茫四十年塵心曾缺佛秋夢尙遊仙  
未逐筍輿後徒言蠟屐先名山如故舊信息可能傳

寄兒秉夔楓嶽之行

卅三之歲足三冬東遊一萬二千峰今汝此行年更  
少可能看得勝渠儂

晴月涼颼病枕無寐戲作一語倩迷兒轉致同

行諸君勿以老拙作笑囡也

東籬筆札對山詩更有華郵日舉卮海色山光非我  
分寂難思到伴行時

次春川倅李公執

嶼韻 癸卯

昭陽太守管名樓一帶澄江山四周魚鳥春深容吏  
隱桑麻日暖解民憂主人鄭重尋前約老子蒼茫記  
昔遊峽俗正須清淨理素琴三疊是良籌

舟泊昭陽亭下感舊

水色依前碧山光不改蒼年年芳草裏未忍上昭陽

風窩成令公

海運

八耄恩賚詩



雲石遺稿 卷四  
一種書香是福田大夫之下老人前由來養性多餘地就次加恩復幾年早掛烏紗投野外新扶玉杖作鄉先羣孫繞彩兒回甲滿屋春光事事全

墨莊避暑

未覺炎威度九分此樓端合策嵬勲溪聲日夜常爲雨山氣陰晴並作雲但道調疴甘處獨非緣避俗苦離羣殘年欲罷烟霞計真使丹成已白紛

次醇溪太守原韻卽以奉寄

向來奉使臨北塞屈指二十又一春北塞之民何太苦歸來粗具微見陳時是肖蛻覃厚澤我亦襪線補

昌辰豆滿不成長無改繡斧光寵杏前塵翁心日隨翁髮短獨與二豎相爲隣直恐仙泄癯厥官天門上書辭衡勺吾 王仁聖無遺照特許老臣容吟呻忽謾醇溪太守筒朔風吹來倒廩困昔時糴瘼今十倍聽之哀痛言言真坐使窮微如倒懸愧我虛作廟堂人到處年停歲排請不過淺惠响沫津兩式未去三剩在其餘瑣細那足嗔近來守令每以停退排捧爲一時矯揉之策而北關之戶式土式折估不等又有剩穀三條爲剝割之最弊者故漫及之漢唐小康猶近古長吏必選良與循宿猾自難售簸弄積逋且易究根因惟君久陪承明廬一麾遠出職諏詢採掇謠俗及政



雲石遺稿 卷四  
理呼吸可以徹 紫宸吁嗟病朽無能爲但祝春臺  
囿斯民

病臥墨莊伯氏約淵泉經山彝齋諸公來會以  
山水有清音分韻得有字

養閒看雲際滌煩聽雨後耳目頗自服衰落任華首  
諸公肯相臨其意良深厚淵翁人之瑞今年八十九  
左相歸金印端揆愛醇酒山窓破此眠弟樂兄所友  
風流映四座吾亦稱中叟茲樓多盛集紗籠憶丁酉  
丁酉金陵諸公皆會于此而今會唯淵泉丈人再臨流水如許好休問嶺上有

孝顯王后輓詞

臣以戚私陪 聖慈獲瞻禴翟見姑儀那知七載黃  
裳吉遽作千秋素柰悲

其二

正忠獻翼四公門况復 東朝共一源知有詩人登  
善頌琴鐘不但二南言

其三

跂喙芽萌并欲生恭知厚載德難名如何未究觀刑  
化所不能爲失恃情

其四

殿是 徽寧曾奉處 陵爲 昭敬舊遷基孝源於



行光斯顯二字隆名壹惠宜

其五

百兩敦工昔幾時方中護設夢難知  
宸篇誕揭微音闡敢把彤毫贊一辭

南莊寓居敬次伯氏下示韻

甲辰

茂草穹林擁四隣此中端合養痾人憑高瞰有青天  
道處僻飛無紫陌塵數畝池塘堪演漾一區場圃足  
隣昉只應曬藥攤書外隨意孤筇事事新

趙芝園示看花詩有春衣吾亦看花人之句戲  
用其言

南麓東園處處春白頭吾亦看花人稱心酒政皆良  
契滿眼風光卽好因已把軒裳爲漫興應隨桃李作  
芳隣蘆芽萋葉滄江想烹得河豚味正新

其二

浮生惜日在於春况復如君九十人睡夢纔過三夜  
飲芳菲又屬一年因未應花散皆天女真使丹成便  
鬼隣最是顛狂難遣處綠楊無數雨餘新

追題求禮燕谷倉樓

并序

余平生拙於書尤拙於詩未嘗爲懸楣籠紗  
之事而往在先朝已丑以湖南節行部宿



雲石遺稿 卷四  
求禮之燕谷倉倉樓僅二楹俯臨峽江倒影  
含山秋色嫋嫋如也意甚樂之遂破戒付一  
律而歸後聞倉爲水所齧詩有無不可問矣  
族孫聲夏近宰於是就舊址重建倉樓要余  
更書前詩其修舉廢墜亦足尙也爲之欣然  
命筆歲甲辰四月之下澣  
鳴騶處處吠村獠士女爭瞻刺史幢誰識辛勤穿古  
峽獨憐蕭灑倚空江漁歌薄暮燈三四鴈陣橫秋笛  
一雙夜靜灘聲搖客夢冷然又似臥篷牕  
聞黃庭已歿有感

宿草晨星處處哀卽聞庭老又泉臺忙披舊篋憐珠  
玉獨揭新篋悵醞醅黃鶴樓空如是去白驪城遠幾  
時迴交遊五十年間事燭淚成堆夜色催

寄芝園上舍金僊菴寓居

一掬冷涼積雨天却將噪黽換嘶蟬生平自謂悲秋  
士投老仍歸結夏禪雲出如期因底事水流無限亦  
前緣想來已脫風塵累此外何求佛與仙

東池主人摘送蓮實

東墅池塘露始涼滿筐珠寶帶秋光曾如蠟炬羅千  
柄竟似蜂衙攢百房結處不緣玄殼護剖來那得碧



心香縱然欲向伊人贈又恐迢迢隔一方

紅葉

楓林吸露露清冷葉葉如花半帶青肯與天桃爭主  
世祇從幽菊各分庭丹砂道客爐添候紅玉佳人夢  
未醒秋入吳江吹不落石蹊猶俟小車停

贈族孫三行人鳳夏

歲歲燕槎渡鴨江似君英妙罕於邦天官庭下葩三  
百金馬門前棗一雙但道關河攀使節詎論風雪打  
羈窓斯翁病負奎華餞酒所驪歌按幾腔

豐川倅金令

周默

寄書與詩伴以糖醪戲次其

韻

江南糖與海西醪濕可為醫渴可澆

書中言江南糖得之漂人可以

治濕而豐是海邑故云

帶得故人書共至賴君黃綬縮於腰

伯氏石厓公入耆社後蒙 賜几杖內醞法樂

用席上韻恭識 乙巳

仙樂繽紛導法樽為公遐褻養真元圭裳并集嘉賓  
喜杖几同頌 聖主恩就此韶顏應自保由來俗務  
可相煩定知年位還餘事贊國承家有寂尊

其二

太平佳事老人樽一氣薰腴際協元耆帖箕裘光世



雲石遺稿 卷四  
德內家筐篚頌 君恩長春色住仙無累如水心空  
佛不煩有弟却慙才與績槐班棘列座常尊

其三

潞公圖繪晉公樽伊昔康彊頌凱元皓髮豈期君子  
老黃金尙戴 聖人恩門留契舊供歡笑家付兒曹  
擺冗煩龜鶴延生良有術流光又俟百年尊

久陰有月

兼旬纖雨與濃雲半借茶香半酒醺直到今宵逢月  
色不知何日度春分沉疴乍去花情見倦夢初回鳥  
語聞差喜乞骸章上後此心無待掃塵氛

乙巳生朝趙芝園以詩見惠謾次

每逢初吉第三春記得斯翁以降辰親戚情如酬令  
節劬勞恩未報微塵年衰倍感斑衣事祿厚長慙負  
米人獨有五湖圖一幅明時自此擬閒民

養病

支離睡意喚仍迷數卷殘書一枕携已戒闍人麾狀  
帖獨留醫士講刀圭方塘雨足芙蓉大曲院風輕鶉  
鴿低始覺無聊還有趣靜消遲日到將西

淵泉金奉朝賀輓

年齡開百袞仕宦逼三階恩荷鳩筮設名回鴈塔題



雲石遺稿 卷四  
賦生如是足乘化亦非乖獨有羊曇淚西州信馬蹄

其二

遲暮 明王契江湖一布衣士流推聞望文物動光輝  
嘉祐歐陽出都門太傅歸時時床下拜空曠自忘機

其三

物我皆平等公當佛地求黃金猶古道皓首亦先憂  
末路懷新感名山憶舊遊徘徊江上月應自入虛樓

戲次姜對山軸中韻

竭來多愧老人家久斂眉端十丈霞縱欲題詩春已

暮何妨對酒日將斜黃鸝幾變東風樹粉蝶猶尋五月花  
滿軸瓊瑤收不盡水聲山色未應加

其二

涉夏經春不出家家居只有酌流霞青荷澈沼魚兒細  
碧柳樓臺燕子斜滿地風光惟倦枕惱人天氣尙殘花  
清狂儘被諸君笑自是衰年病日加

其三

真使醫家起病家凋顏可復上朝霞肺衰觥亦前籌減  
腕弱楷如古篆斜消夜誰堪同把燭送春還有未開  
花端居漫課皆遊戲非是風情到老加



雲石遺稿 卷四  
聞鄭經山相國新構花樹樓仍用前韻  
名樓新榜做韋家一色長春燦若霞地僻雲扃仍愛  
靜山深石磴不嫌斜烏衣巷裏羣芳樹綠野堂前百  
種花朝退扶筇諸弟集古來清分有誰加

再疏乞休未蒙 恩許擬陶歸田園居

弱冠掩詩書出門看好山何事黻與佩乾沒到殘年  
白日無停輪扶桑接虞淵北闕再上疏東江乞歸田  
恩德天地大難爲進退間此心如懸旌飄搖臨風前  
因思舊仙侶巖壑杳蒼烟招招不可逢應笑我華顛  
君王矜簪履已許他日閒衰頹有如此安可期未然

其二

古賢雖不及壯志常掉鞅皓髮一相侵紛綸皆妄想  
水逝雲更變諒難遡已往依稀故園路春草空自長  
此言如河漢但見脩以廣強欲遂吾初歲月浩莽莽

其三

不才備將相千載遭逢稀以此膏盲姿低迴未遽歸  
雲山空錯落非無薜蘿衣耿耿天欲曙只恐簡書違

其四

紅塵何滾滾浮生寡歡娛試看昔時人窮達盡邱墟  
行將丐殘骸逍遙寄巖居陵谷或有變秉志同守株



雲石遺稿 卷四  
位高難自由不與微官如粥飯聊可供本出祿賜餘  
又欲免恥辱君恩恐歸虛細量錢與鶴天下理所  
無

其五

不誦歸來賦常愛招隱曲真能澤斯民寧惜沾體足  
友生罕異人榮寵多吾屬况復鼎盛日聖化流玉燭  
臣病非臣力照察有明旭

謝鄭經山相公汲惠花樹樓下石泉

并序

近以經山相公命書拙製相公壽序公引歐  
陽子以惠山泉爲蔡君謨書集古錄序潤筆

之例迺汲新搆花樹樓下石井賜之仍有七  
絕句盛稱水品之能醫人予自中歲以後爲  
癖疾所苦不飲水不飲茶惟不能斷酒公每  
戒之亦未遵焉茲因元韻廣其意而謝之亦  
古人反騷反隱之義也公當於燒笋晚飯之  
際爲之一噴

拙字由來斷墨緣詎知還污相公牋一瓢洗惡非難  
事近日雲庄有石泉

其二

相酬元不望英瓊我是中書老管城未信上池天一



雲石遺稿 卷四  
水能教凡髓飲來清

其三

百味相膠水取真真能吐納味當新祗緣大有元亨  
日身作明廷列鼎人

其四

曾逃二氏溯羣經老似潢流水不停無路可從霑一  
勺醍醐沆瀣各分庭

其五

莊生相忘在江湖至理真詮此已俱今我亦知方便  
法一宵澆渴一長壺

其六

朝醺曉汲可無同究竟應收一樣功麋鹿在山魚在  
水衆生元自不相通

其七

延生一戒故人書自愧癡儂服食疎便欲從今唯飲  
水丹爐又恐似蘧廬

抱阡洞門有池新濬魚苗頗蕃投釣不獲謾題  
自笑

柳塘秋事碧漫漫坐羨金鱗楚浪團萬古烟波魚亦  
慣寧能再上呂公竿



永阡拈杜韻

為告癡兒事恩科降自天幾生能得報九葉幸相傳  
自我十一世祖漢平君以下至夔兒文科為九世也時序推霜露光榮動隧泉  
暫閒由上塚蕭灑白雲邊

其二

倦羽將斜日流雲欲霽天秋色詩人管豐年野叟傳  
老慙右軍墓病戀惠山泉不識紅塵夢如何是覺邊

其三

草樹泠泠夕星河耿耿天古心誰與語山色許同傳  
剝栗蒸新飯烹葵瀹遠泉仙凡元不異只在喜歡邊

其四

未遣壺中日猶看井底天君恩非我報父業待兒傳  
文字慙詩史功名恨酒泉蒼蒼秋滿峽雲水自無邊

路中謹次伯氏下示兒子秉夔榮墳詩韻

東地台峰屹吾宗有族墳高曾推厥本支適蔭無分  
我豈三朝老渠非五色雲苾芬聊告喜何必禮云云

右楊阡

緣短終難及形枯枉自傷九原靈有祐百世慶何量  
志喜笙簫爛含悲草樹長焦生今不在誰復表阡岡

焦千之以歐公門人作胥夫人墓文故云

右春阡



兒能追廣受此謂翰林弟又泣由瞻世謂心無累吾知德

不廉古人歌抑抑君子筮謙謙欲以新榮告其如舊

愴兼 右抱阡

古楸恩露浹報慶亦云多苟奉毛生檄寧論德裕科

李德裕非科甲出身闔門宜自戒同里謾相詫靜念阿兒事前

途可若何 右永阡

絕海牛車日荒江草葬時地靈相感發天運自推移

家有登科慶秋當上塚儀末孫今白髮瞻拜又餘思

右原阡

昭陽亭感舊

平鋪牛首野縹緲鳳儀山秋水當年色官樽竟日閒  
夢闌蒼玉佩坐羨綠楊灣只有磯頭烏烟波自往還

峽行

短策輕輿處處吟蕭閒身計寂寥心人烟半日青山  
店客路兼旬綠樹林暝羽無端偏揀茂夕鱗何事競  
投深秋來一段冷然夢不使飛塵枕外侵

炎涼

炎涼一日兩相違纔試綿衣復袷衣誰道清颺療宿  
疾始知殘暑有餘威便輿望遠皆黃茂挈榼登高合  
翠微但願人間春不去四時相對盡芳菲



曉渡蟾津

白露如珠浥曉衣  
蟾湖秋色鴈初飛  
不知兩岸蓼花處  
容得閒人幾釣磯

路中卽事

嫋嫋秋光上醉顏  
東州十日夢魂間  
白雲一去終須倦  
碧澗千迴只自閒  
投老倘能歸鏡水  
畢生何敢乞華山  
菰蒲未變涼風起  
鴈字蛩吟興復關

過龍門山志感

先人六十四回秋  
記得龍門奉遠遊  
已感今年符昔日  
復過山下涕空流

謁幸州紀功祠

杏湖秋水拍於天  
記得龍蛇洗甲年  
臣力中興功第一  
王勤南道士三千  
彤弓不朽祠仍起  
鐵戟全銷地尚傳  
顧我老慙班掾筆  
可將文字擬燕然

舊碑重刊又猥撰追記故也

建祠卽賤臣建白而

路中驟雨

秋天一片雨何遽  
急如傾造次江雲合  
蒼茫野水平轉林  
殊冷煖隔壟判陰晴  
幸賴西風至冷然似  
濯清次崧陽留相金  
婿學性軸中韻

欣君會宦達嗟我未  
功成佳話逢今日奇  
緣認百生



雲石遺稿 卷四  
偶然何德政藉甚是治名地望推留相天曹出貳卿  
適因霜萬葉渾忘雪千莖舊契尋無處前遊記不明  
細看民鼓舞深識吏精誠已自分衰壯那能較潤清  
盃盤繁夜席鼓角靜秋營獅贈吾堪畫麟祥子有荆  
主人新有弄璋故也賓朋佳節飲父女異鄉情語笑當窓待擔  
牽出郭迎山方濃赤染時又爛黃英煩借重陽色要  
聽瀑布聲此身同晉穢餘事任周楨馳水千年在龍  
岑一帶橫何爲今遠道云是舊王城圃稼悲心竭庾  
姜悵血盟客言山有木主曰野之萃只祝笙鏞美冲  
冲盛世鳴

善竹橋

無人不向此橋尋勝國存亡宛至今始信萇弘埋碧  
血獨憐袁粲抱丹心三韓壁上花階舞萬壽山中葛  
藟吟借問西曹誰氏子先公遺墨在碑陰先人撰圃  
隱錄事殉

義碑

彩霞洞

別洞開茅號彩霞碧流蒼峙夕陽斜西都勝觀知多  
少半是劉郎去後花

滿月臺

前朝物色旅人盃秋葉蕭蕭月一臺自古興亡如瞬



息後來登眺却徘徊欹斜玉砌連黃茂埋沒銅仙上  
碧苔三十七陵陵外路不知何處問餘哀

花谷書院敬次先君子舊韻

山光水色與同參又是秋天似蔚藍莫道西京佳氣  
冷地靈猶得有花潭

朴淵

豁然相對轉憮然湍急崖高勢自懸迸落晴雷搖白  
日平垂匹練劈蒼烟石當上下橫分地洞作團圓小  
有天安得仙筇扶病脚靈源直滂萬尋巔

天磨看楓仍用前韻

蠟屐筍輿却爽然秋山渾忘石蹊懸熏人醉作丹霞  
面映日蒸成紫玉煙渲染獨專涼露色芳華不讓艷  
陽天知渠結託元無定多少穹林與絕巔

天磨記遊

天磨水石聖居關幽菊鮮楓記舊顏留相主人來讌  
飲故都賓從共躋攀不知歲色侵霜鬢偶帶秋光到  
碧山應有高僧雙手拍老僮能得幾詩還

天磨山中聞任友景文

冀常

李友聖七

審集

前

數日過去

聞說遊人已振衣後塵前轍惜相違金陵太守

任友方任



雲石遺稿 卷四  
金川雙鳧去聊爾先生李友自號聊爾匹馬歸底事參商終  
自隔錯教鴻鴈各分飛欲將恨歎爲文字祇恐登臨  
有是非

靈通寺

古塔荒涼老木悲五冠山下九秋時脫塵洞壑靈通  
寺絕世文章富軾碑粥飯僧殘何所賴襪鞵緣晚有  
餘思翠翁舊令今猶在乞與諸君好做詩

過李郎寅禹墓

瘞鶴情何極乘龍理莫憑悲歡元易變脩短果難徵  
古屋髣髴髮寒閨耿耿燈未堪垂老涕吞飲不沾膺

高陽途中

秋風二客遠相將病可消除倦可忘垂白苦吟還一  
笑泛黃佳節又重陽疎燈野館鷄喉冷零葉江臯鴈  
翻忙自愧山樓明月色有情無計暫徜徉歸路欲入北漢未果

時洪君義福姜君潛從焉

重陽臥病

每年九日飲秋花客是陶潛與孟嘉四海結交餘皓  
髮一生淹病乏丹砂寒聲戶外皆零葉佳色欄頭有  
落霞強又扶衰閒處去近郊多少學人家

謁外祖墓



雲石遺稿 卷四  
白頭今始展松楸天只之恩宅相麻不識峴山羊叔  
子真堪妙好屬辭不曾撰墓碣故云

題梨坨洪吏部公獻墓

草宿荒原吊故人秋光無處不悽神世間非乏千缸  
酒地下惟添一掬塵卅角悲歡拚外黨飯食甘苦憶  
比隣今將何物當椒精涼月如盤復似輪

季秋中旬同權彝齋金柱下

道喜

朴方壺

晦壽

三相公集經山鄭公之花樹樓送主人閣下就  
養于成川府衙

楚峽羣峰屬暮秋官樽又辦白頭遊公子分符將兩

老相君休沐管名樓春萱故事青氈在

公會宰藥山奉老故云

蔽芾餘陰鐵筆留

公會爲道伯處處有去思碑故云

自古仙人多降

此金丹好作駐年儔

新製小冠甚便戲題一詩

丙午

擬掛朝冠製野冠禿頭惟許戴之安便宜老病從吾  
好脫畧容儀任客看儒者專經慙杜鄴將軍拄劒笑  
田單祗應李下防嫌地罨礙長無岌岌難

有人惠水晶七枚各長三四寸以盆養之

養得亭亭七塊晶不煩雕斲自崢嶸渾疑砥柱當中  
立真見冰壺徹底清一種筍芽何地出六分稜角是



學石遺稿 卷四  
天成米家老丈如相問珉玉由來有月評

翼宗大王遷陵輓詞

胄筵遭際愴流光記得春坊與桂坊白首泣編 玄  
室誌不堪重觸已摧腸

其二

夜哭之哀晝哭悲緱岑笙鶴昔何時如今寶籙回天  
運長樂堂高 兩聖慈

其三

夢裏 龍顏記未真依稀憶得玉欄春仙鄉定在花  
深處又恐玄雲障一塵

其四

至今遺澤浹人心 代摠纔爲四載臨一十七年如  
昨日再千萬歲慟逾深

其五

王禮追隆典有徵前光留與後人承欲知 聖子尊  
親孝躋 廟爲宗墓曰陵

其六

灤河故事又方中恭識皇穹牖 聖衷蜃衛龍輶如  
睠顧始終無遠禁城東

其七



雲石遺稿 卷四  
阜陵議據名山訪喪服篇遵改葬總情文兩盡無餘憾咸曰鴻休自此基

其八

曾忝閣銜編 聖製久叨姻屬奉清筵微誠未卒敦工事縱欲陳詞淚已先

柳判尹 和源輓

我祖公兄共海槎祗緣武愍古名家門前虎榜曾回甲庭下龍韜已建牙天賦九旬如少壯 君恩八座有光華浮生到此堪稱足耆舊凋零衆所嗟

人有惠二鷹者洪君 義福 欲作鄉庄游獵資舉

而贈之戲賦其事

絕海雙條錦白鷹秋高意氣在飛騰烏鴉滿樹爭何敢雉兔平原保未能常賴獵人聆遠鐸應煩貢戶躡危檣吾衰已斷檀車志輸與豪曹但撫膺

傳硯詩贈族姪羽堂新太史 丁未

文盟久愧忝菲才幸得吾宗壁壘開太史風流餘紫硯湖堂物采有銀盃笙鏞一代惟君待龜鑑千秋敢我裁衰病未堪遵故事詩腸今已冷於灰

洪君將自丹邱移住酒泉告別而行戲書二絕贈之非以詩也



雪不遺和 卷四  
綠蘋江上月紅萼峽中春借問移封願何如引羽人

其二

虛樓不盡興又去尋邀仙悵悵送君處同遊今年

歲戊戌秋與洪君偕入酒泉飲于清虛樓  
邀仙巖故茲識于此以備新居一故事云

送從子秉駿居留松京 戊申

及我先人莅此時桐鄉餘愛愴生祠爾慚年早非強  
仕衆羨官尊是保釐玉節荷恩寧少忽青氈奉訓可  
深追臨行只贈嚴敦戒豈爲城西惜暫離

宿安保

忽到滄江有所思滄江魚鳥摠相知空山不雨多秋

感枯樹無風易夕悲過境真如桑下宿浮生何異橋  
中棋羊腸閱盡蘧廬在猶是勞人少歇時

席破嶺

斷壑懸崖自混濛塌來開鑿是誰功龍蟠一帶江環  
北鳥道千迴地限東咫尺聲音通帝座尋常跬步御  
天風登登全借輿夫力堪笑人間老此翁

秋峽

客從秋峽攬空澄爲說詩情畫未能一色水天明月  
下商船數十點疎燈

春峽行中



平生好觀水觀水自欣然古峽多佳地深秋又霽天  
此時堪作佛何處更求仙萬事皆如是難爲下士傳

其二

未覺車中夢山川正渺然丹霞增夕照紅葉媚秋天  
是謂人間世何論地上仙老夫真放浪或恐峽民傳

其三

大霧滿山谷吾行擗埴然遲遲嶺上日漠漠江中天  
浮世元如夢迷津豈有仙阿誰將此景解與俗人傳

國名詩

憂虞端合衛生方秦越人亡惜古良廊廟周旋今魯

莽巖泉燕息舊商量詩曹四韻稀清楚病漢三彭劇  
跳梁春鳥夏蟲齊不得莫將陳跡問荒唐

人名詩

歲色一何晏琴張撫無聲已見籬黃歇未聞井丹英  
少壯如舜華霜毛遂千莖可從田間飲尙滯洛陽城  
朝冠戴不勝雲扇封常清久擬力牧畜我屋茅方成  
植柳潭已垂種桃應復榮石崇排水激林疏受月明  
空谷永難諉俗人不許行百里奚販樵山高柴自盈  
菑畬雜原壤牛畜日可耕漁槎兒孫登蝸巢父老迎  
欣然友朋至無乃古先生會隨歸禽息百年樂閒情



戲用二十八宿體

角者鬣者何紛然亢害承制理不愆氏羯亂華百六  
旋房杜佐命千一緣心懸魏闕非確傳尾曳楚澤還  
妙詮箕潁渭莘若韋弦斗升鐘鼎有經權牛圈馬絡  
性豈全女織男耕制相沿虛靈具衆品之先危微執  
兩倚於前室中芝蘭幽香聯壁上圖書瑞光圓奎宿  
主文屈似拳婁勾前知小如錢胃是中州統八埏昂  
又外裔分四偏畢羅機括巧益穿觜距鱗甲天可憐  
參伍錯綜惟後天井九徹貢皆王田鬼與神聖卽真  
仙柳惠阨窮亦大賢星冠雲衲姑舍旃張我揮彼無

難焉翼經羽史腴中邊軫駕也應路平平

嘆衰用十干藏頭體

匣彈屬前塵几嗒等長歌病事今如此寧復墮俗窠  
歲月劇馳驚杞菊遂蹉跎瘦骨從人扶新瘡非舊瘡  
任他癢且耄揆初嘆如何

自笑用十二支藏頭體

學古自幼眇每抱前哲志演繹覬少進留連忘老至  
晨星忽已散尻月不肯遲許身恥稷禹昧道嘆洙泗  
紳笏迄可休醉夢焉足累感激中夜起駭妄吾堪愧

又用八卦體



雪石遺稿 卷四  
乾沒此半生坤二愧直方坎流隨行止離合等存亡  
震惕三秉軸異縮一臥床良良乞解願兌習昔何忙  
病中初雪戲用建除體

建亥之月廿又七除煖迓寒雪初飛滿空同雲暗如  
霧平地微霰紛且霏定知玄冥窮造化執時守序天  
無違破瓦鋪瓊疑仙屋危枝撒花悅春暉成此奇絕  
真異境收却蕭騷復斜輝開簾漫悵哦詩樽閉戶還  
憐臥病幃

巢父牛

四岳薦舜堯曰試天下之重聖人憂如何復向箕山

讓燭火桔槔空酢酬危言真若非杜撰多生獨不愧  
此牛

張翰鱸

松江四腮名天下膾之潔白如雪飛張翰吳人承齊  
檄秋風忽思此魚肥海上孤帆棄友去口腹爲累真  
耶非

平仲驢

宋代名將姚平仲夜斫金營牟駝岡師徒債敗法當  
斬斷岸無路翻回韁青騾一鞭作神仙世間得失焉  
足量



淵明鵬

白鷗自是山中禽長恨羈棲非舊棲陶令見之仍振  
觸人物情性齊不齊成就一段歸來事功比鸞鳳孰  
高低

簫韶鳳

綠竹實兮碧梧老千仞丹穴仰飛飛皇羲古樂皆寂  
寞悵望何處覽德輝借問朝陽噤噤者記得虞廷大  
音希

華山馬

華山之陽春草綠華山之下春水瀉牧野駟騶云亦

勞此日飲者與吃者不知武成篇成後伐奄驅廉用  
何馬

南華鵬

鯤鵬化化真有是魚何無樂鳥何樂世謂莊生達性  
命我謂莊生亦糟粕莊生不在誰堪語悵望九京難  
復作

憲宗大王輓詞 已酉

緬滌疆梧慶一堂 三聖君玉枝符瑞夢丹頂舞祥  
雲飾喜祈千壽頌恩頌八垠今天何不吊臣庶淚紛  
紛



其二  
八載禁中講百生夢裏顏 宗祊如泰嶽弓劍倏喬  
山蜃衛何時返龍輜未可攀寒雲凝御路空葬 聖  
人還

其三  
十五年餘化親賢樂利思民興會閔行天挺舜文姿  
輔導臣何力聰明 聖有爲蒼生嗟不祿未及太平  
時

其四  
齧遷由怵惕 神御爲瞻依情禮元無憾天人共不

違至誠推祀典庸敬飭朝衣濟濟鳴鑾士咸言咫尺  
威

其五  
去年頒四慶 兩殿 兩先王遐祝瑤觴舉洪休玉  
牒揚神人交有協 慈孝并爲光又上 三宗鑑千  
秋寶帕香

其六  
治亂唐金鏡論評漢石渠階前無宦妾 卍上有圖書  
奎藻萬幾外 宸聰一覽餘尋常分乙夜虬漏每遲  
徐



其七

閔凶何太荐後甲接先庚復恨無窮淚惟冤有此生  
天心遺吉兆神理合佳城 八寢連松翠如瞻定省  
行

其八

幸傳 三后統難慰 兩慈心功用浮雲斂仁恩薄  
海深玉欄應寂寞玄甲太蕭森舊匣雕弓在神工憶  
上林

其九

外屬偏承眷中書竄荷恩縱憐多病迹猶悵乞骸言

塵刹終難報邱山不可諉祇應歸拜日號哭叩天闈  
用文苑故事贈心菴趙太史

盟壇傳硯舊清規嗟我癯衰懶作詩柱下掄才應獨  
步閣中儲望幾多時明廷桃李如公少當世瓊琚捨  
子誰石室彤毫須越限諸寮况復殫精思



雲石遺稿卷之四



